



Broj: 11-19-11-2-2129-4/26
Datum: 28.09.2026. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj 81/14), čl. 26. i 70. stav (1) i (4) Zakona o javnim nabavkama („Službeni glasnik BiH“, broj 39/14, 59/22 i 50/24), na prijedlog Komisije za provođenje pregovaračkih i ograničenih postupaka nabavki za 2026. godinu, direktor Federalne uprave policije, donosi:

ODLUKU O PONIŠTENJU POSTUPKA NABAVKE ORUŽJA I OPREME– LOT 4

I

Ovom Odlukom poništava se postupak javne nabavke oružja i opreme - LOT 4 – Nabavka dvogleda, pokrenut Odlukom o pokretanju postupka javne nabavke broj: 11-19-11-2-2129/26 od 13.05.2026. godine, iz razloga što niti jedna od primljenih ponuda nije prihvatljiva.

II

Ova odluka objavit će se na web-stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama („Službeni glasnik BiH“, broj 39/14, 59/22 i 50/24)

III

Za izvršenje Odluke zadužuje se Komisija i Sektor za finansije i javne nabavke

Obrazloženje

Na osnovu Odluke o pokretanju postupka javne nabavke broj: 11-19-11-2-2129/26 od 13.05.2026. godine i Obavještenja o nabavci broj: 1412-2-1-119-3-129/26 od 18.05.2026. godine objavljenog u Službenom glasniku BiH br. 36/26, dana 22.05.2026. godine, Komisija ugovornog organa, imenovana Rješenjem, broj: 11-11/4-30-2-430, od 23.03.2026. godine i rješenjem broj 11-11/4-30-2-430-1/26 od 30.07.2026.godine (u daljem tekstu: **Komisija**), provela je ograničeni postupak javne nabavke oružja i opreme (LOT1, LOT2, LOT3, LOT4, LOT5, LOT6, LOT7, LOT8, LOT9, LOT10 LOT11, LOT12, LOT13, LOT14, LOT15, LOT 16 i LOT 17)

Dana 29.7.2026. godine na portalu javnih nabavki objavljen je poziv za dostavljanje ponuda (II faza).

Komisija je u provedenom postupku konstatovala da su tendersku dokumentaciju za II fazu postupka nabavke preuzeli kvalifikovani ponuđači:

- Danial S d.o.o. Tešanj (LOT1, LOT2, LOT3, LOT4, LOT5, LOT6, LOT7, LOT8, LOT10 LOT11, LOT12, LOT13, LOT14, LOT15, LOT 16)
- KM Trade d.o.o. Visoko (LOT1, LOT2, LOT3, LOT4, LOT5, LOT6, LOT7, LOT8, LOT9, LOT10, LOT11, LOT12, LOT13, LOT14, LOT15, LOT 16 i LOT 17)
- SHOT d.o.o. Zenica (LOT1, LOT2, LOT3, LOT4, LOT6, LOT8, LOT9, LOT10, LOT12, LOT13, LOT14, LOT15, LOT 16 i LOT 17)

Prema Zapisniku sa otvaranja ponuda od 02.09.2026. godine, za aktivno učešće u postupku javne nabavke za LOT 4 – Nabavka dvogleda dostavljene su ponude ponuđača:

- Danial S d.o.o. Tešanj;
- KM Trade d.o.o. Visoko;

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 11-19-11-2-2129-2/26 od 28.09.2026. godine, kojim je utvrdila:

da je ponuđač KM Trade d.o.o. Visoko uz ponudu (br.31/08/26-4 od 31.08.2026. godine) dostavio dokumentaciju zahtijevanu tenderskom dokumentacijom. Pregledom navedene ponude Komisija je utvrdila da u dostavljenoj kataloškoj dokumentaciji nisu vidljive sve tražene tehničke karakteristike predmetne robe. Tačkom 3.1 tenderske dokumentacije je propisano da *„u dokumentu/tehničkim podacima moraju biti vidljive tražene tehničke karakteristike, dok se ispunjavanje tehničkih zahtjeva koji nisu vidljivi u fabričkim specifikacijama, a odnose se na dodatnu opremu, dokazuje tehničkim podacima opreme i izjavom ponuđača“*.

Uvidom u dostavljenu ponudu utvrđeno je da ponuđač, pored toga što u dostavljenoj kataloškoj dokumentaciji nisu vidljive sve tražene tehničke karakteristike, nije dostavio ni izjavu ponuđača kojom bi potvrdio ispunjavanje tehničkih zahtjeva koji nisu vidljivi u fabričkim specifikacijama. Iako je tenderskom dokumentacijom ponuđaču ostavljeno da sam odredi formu izjave, takva izjava u ponudi nije dostavljena. Navedeno je detaljno opisano u Zapisniku o pregledu i ocjeni ponuda broj: 11-19-11-2-2129-2/26 od 28.09.2026. godine.

S tim u vezi Komisija je konstatovala da ponuda ponuđača KM Trade d.o.o. Visoko br.31/08/26-4 od 31.08.2026. godine nije sačinjena u skladu sa zahtjevima tenderske dokumentacije te se ista smatra **neprihvatljivom**.

Da je ponuđač Danial S d.o.o. Tešanj uz ponudu (br. IP/559/26 od 18.08.2026. godine) dostavio dokumentaciju zahtijevanu tenderskom dokumentacijom. Pregledom ponude ponuđača Danial S d.o.o. Tešanj, Komisija je utvrdila je da ponuđač Danial S d.o.o. Tešanj u Obrascu za cijenu ponude – Obrazac prilog 3 na stranici broj 10 ponude, na za to predviđenom mjestu u rubrici „proizvođač i model“, nije naveo proizvođača i model ponuđene robe, iako je tačkom 3.5. tenderske dokumentacije „Obrazac za cijenu ponude iz Obrasca prilog 3“ izričito zahtijevano da su ponuđači dužni dostaviti popunjen obrazac za cijenu ponude u skladu sa svim postavljenim zahtjevima, za sve stavke koje su sadržane u obrascu.

Tenderskom dokumentacijom je izričito propisano: *„Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.“*

S tim u vezi Komisija je konstatovala da ponuda ponuđača Danial S d.o.o. Tešanj br. IP/559/26 od 18.08.2026. godine nije sačinjena u skladu sa zahtjevima tenderske dokumentacije te se ista smatra **neprihvatljivom**.

Obzirom da su ponude ponuđača Danial S d.o.o. Tešanj br. IP/559/26 od 18.08.2026. godine i KM Trade d.o.o. Visoko br.31/08/26-4 od 31.08.2026. godine, ocijenjene kao neprihvatljive, ugovorni organ shodno odredbama člana 70. stav (1) i (4) Zakona o javnim nabavkama, a u vezi sa članom 69. stav (1) tačka b) i stav (2) tačka d) istog Zakona prihvata preporuku Komisije datu Zapisnikom broj: 11-19-11-2-2129-2/26 od 28.09.2026. godine da se poništi postupak nabavke nabavke oružja i opreme - LOT 4 – Nabavka dvogleda.

Cijeneći navedeno, donesena je Odluka kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. stav (1) pod d) Zakona o javnim nabavkama („Službeni glasnik BiH“ broj: 39/14, 59/22 i 50/24).

**DIREKTOR
GLAVNI GENERALNI INSPEKTOR POLICIJE**

Igor Marić

Dostaviti:

- Učesnicima u postupku (putem Komisije)
- Sektoru za finansije i javne nabavke
- Kabinetu direktora uprave policije
- Komisiji
- a/a

